




PERSIDANGAN ANTARABANGSA PERADABAN MELAYU III

# MODAL INSAN BERSEPADU TERAS BANGSA TERBILANG



57. *PENJELASAN AL-QURAN TENTANG 'MANUSIA' KAJIAN TATABAHASA ARAB DAN PENTAFSIRAN TERHADAP AYAT-AYAT YANG DIPILIH* 596  
Solehah Hj. Yaacob
58. *PEMBENTUKAN JATIDIRI MUSLIM MENERUSI PENDIDIKAN ISLAM DI SEKOLAH: KAJIAN DI SEKOLAH-SEKOLAH MENENGAH DAERAH KUANTAN DAN TEMERLOH, PAHANG* 609  
Yuseri Ahmad
59. *ILMU MATEMATIK SEBAGAI PEMACU PEMBANGUNAN MODAL INSAN BERSEPADU DALAM PERADABAN BANGSA TERBILANG* 616  
Zainal Abdul Aziz
60. *PEMBENTUKAN MINDA KELAS PERTAMA DI DALAM PENDIDIKAN MALAYSIA: SATU ANALISA DEKONSTRUKSI* 628  
Zainal Abidin Borhan dan Rahimin Abd. Rahim
61. *STRATEGI PEMBENTUKAN, AMALAN, CIRI-CIRI DAN KESAN DALAM KEHIDUPAN BANGSA DI BUMI BERTUAH MALAYSIA* 647  
Zainuddin b. Ag. Hamat
62. *PERANAN PENDIDIKAN BAHASA ARAB DI SEKOLAH MENENGAH AGAMA DALAM MEMBENTUK MODAL INSAN BERSEPADU: KAJIAN DI SEKOLAH MENENGAH AGAMA PERSEKUTUAN LABU* 652  
Zainur Rijal b. Abdul Razak dan Rosni b. Samah

# PENJELASAN AL-QURAN TENTANG 'MANUSIA' KAJIAN TATABAHASA PENTAFSIRAN TERHADAP AYAT-AYAT YANG DIPILIH

Assist.Prof Dr. Solehah Hj. Yaacob  
*Universiti Islam Antarabangsa Malaysia*

## Pendahuluan

Abstrak: 'Modal Insan' yang agak dilupakan kebelakangan ini telah menjadi satu isu yang menimbulkan sensasi dalam setiap perbincangan forum-forum dan seminar-seminar semenjak ia diperkenalkan dalam RMK9. 'Modal Insan' merupakan suatu bentuk modal yang tidak memerlukan modal pembelian bahan teknologi atau bahan api untuk membangunkan negara. Ianya telah wujud sebagai wujud sebuah negara. Perkataan 'Manusia' atau insan di dalam bahasa Arab berasal dari perkataan 'Anisa' yang bermaksud yang boleh didekati atau dijadikan kawan, dari perkataan ini timbul perkataan 'Insaniyyah' dan 'Insani' yang memberi makna 'Berperikemanusiaan' dan 'Kemanusiaan'. Sebagaimana firman Allah<sup>402</sup>

وَمَا خَلَقْتُ الْجِنَّ وَالْإِنْسَانَ إِلَّا لِيَعْبُدُونِ (الزاريات 56)

Yang bermaksud "Tidak aku jadikan jin dan manusia itu melainkan untuk menyembah-Ku"

Pendapat kedua pula menyatakan perkataan 'Manusia' itu berasal dari perkataan 'manu' yang bermaksud lupa. Namun begitu pendapat ini agak lemah, oleh itu ahli bahasa berpendapat pendapat yang pertama itu lebih sah.

Secara ringkasnya manusia yang disebut di dalam ayat ini mempunyai tugas-tugas tertentu yang perlu dilaksanakan di dalam hidupnya. Maklum, bahawa kejadian manusia berasal dari tanah, air, api dan angin, jika inilah yang berlaku maka sudah tentu penciptanya amat mengagumkan. Mana mana kemampuan 'Insan' samada untuk memaksimumkan kebolehannya atau mengubah sesuatu yang rosak. Dari sini penulis berpendapat bahawa tidak mesti tidak analisa terhadap ayat-ayat al-Quran mengikut gaya bahasanya iaitu bahasa Arab Fushah adalah amat diperlukan. Oleh itu kertas kerja ini cuba menyingkap maksud beberapa ayat al-Quran yang mempunyai kaitan dengan 'manusia'.

Nilai modal insan ini walaupun tidak pernah tertera dengan jelas dalam laporan tahunan mana-mana organisasi, ia berperanan besar dalam menentukan prestasi organisasi tersebut. Dalam konteks lebih luas, modal insan mencorak hala tuju sesebuah negara ke arah wawasan yang disasarkan. Tanpa sumber manusia berkualiti, sesebuah negara akan lemah kerana ketidakhadiran sumber manusia yang menjadi pencetus kepada inisiatif baru dalam kegiatan sosioekonominya.

## Peringkat Kejadian Manusia

Menurut gagasan Islam Hadhari sumber manusia ini akan melalui satu skim program pembangunan menyeluruh yang turut merangkumi aspek kerohanian agar insan yang bakal dihasilkan nanti adalah insan yang berkualiti dan dinamik. Strategi yang diambil kerajaan untuk mencapai kemajuan ini dimulakan dengan daya usaha pembangunan sumber manusia adalah selaras dengan agenda pembangunan, kemakmuran dan kesejahteraan negara banyak bergantung kepada penduduknya. Jadi jika orang di negara ini mempunyai kualiti seperti beriman, bertaqwa dan berakhlak mulia, tentu hal ini memudahkan proses untuk mencapai kejayaan dalam segala bidang kehidupan. Maka jelaslah kepada kita, konsep pembangunan sumber manusia dalam Islam adalah proses untuk membentuk insan yang baik dan berguna. Ia bukan saja kepada dirinya, malah masyarakat, agama dan negara dan jama'ah diamalkan maka pasti kejayaan akan menjadi kenyataan<sup>403</sup>. Sememangnya inilah yang dijanjikan Allah swt yang bermaksud 'Sekiranya penduduk suatu negeri itu beriman dan bertaqwa, sesungguhnya akan membuka kepada mereka (pintu-pintu pengurniaan) yang melimpah-limpah berkatnya dari langit dan bumi'<sup>404</sup>.

<sup>402</sup> Az-ZÉriyaat 56.

<sup>403</sup> lihat [www.Ikim.com](http://www.Ikim.com).

<sup>404</sup> Al-NÁraf 96.